

康熙臺灣府志

第一冊

康熙五十一年

重修臺灣府志

臺灣府知府周元文重修

揚州古舊書店複
印稀見方志之一

書
號
函十二册
登錄號91450

康熙臺灣府志

我國領土臺灣任何人不能把他變更或加以歪曲的如翻開這一部康熙五十一年修的臺灣府志就明顯地記載着臺灣不但是中國的領土在康熙時還是屬於我國福建省的一府

我店搜集到的這一部康熙修的臺灣府志原本根據有關地方志調查資料證明國內外各大圖書館僅有一兩家藏有此書為了使稀見的地方志發揮

康熙臺灣府志

作用我店特複印壹百部供應全國圖書館迫切需要

揚州古舊書店

重修臺灣府志序

臺灣自古為荒服奧區聲教所不及今天子御極之二十有一年薄海永清四方底定荒服之地亦入版圖設郡縣立學校規制與內郡等然而未有志也三十一年副憲高公觀察是邦廣搜博採著為成書凡山川形勢風土人物戶口之所登田賦之所入大而官常建置細而草木昆蟲與夫灾祥節義騷人逸士之類靡不畢集猗歟盛矣余守延日披而

康熙臺灣府志序

周

覽之瞭如列眉迨四十六年謬叨

簡命移守斯土以耳目所親歷較夫前書所備載纖毫不爽然後嘆高公搜採之精核載筆之詳慎其有裨於風教為不淺也自是以來垂十七年矣慨未有增而輯之者余嘗有志而未逮也歲庚寅鳳邑宋令曾肩其事而於政治之得失生民之利病闕焉未詳恐不足以垂久遠而備採擇爰於壬辰之春公餘之頃與郡邑博士弟子員搜討舊帙諮訪新聞

山川形勢無異也風土疆域無異也而
人物之蔚興祿秩之陞遷土田之墾闢
月有異而歲有殊且其間之規制或有
因草創而為巍煥增廟祀以隆報功煌
煌鉅典于今聿為明備是用忘其固陋
修而輯之其中或因于昔或創自今有
者仍之闕者補之雖不敢自附於作者
之後庶幾異日有志之士採風問俗有
以據而考焉未必非修明之一助云爾
是為序

康熙五十有一年歲壬辰春知臺灣府
事加一級遼左金州周元文譔

重脩府志姓氏

纂輯

福建分巡臺灣廈門道兼理學政陳 璜甲戌進士

廣東雷州海康人

福建臺灣府知 府周元文 監生遼左

金州人

校訂

臺灣府海防總捕同 知洪一棟 貢生湖廣

應山縣人

臺灣縣 知縣 張 宏 貢生江南

上海縣人

康熙臺灣府志

姓氏

鳳山縣 知縣 時惟豫 監生旗下籍

諸羅縣 知縣 劉宗樞 監生正白

旗人

署臺灣府儒學教授事臺灣縣儒學教諭康卓然 貢生龍溪

縣人

鳳山縣 儒學教諭郭 濤 貢生福州

府人

諸羅縣 儒學教諭陳 聲 舉人長泰

縣人

分訂

貢生

生員

張纘緒臺灣縣人

郭必捷臺灣縣人

陳文達臺灣縣人

林中桂諸羅縣人

李欽文鳳山縣人

張雲抗臺灣縣人

盧芳型臺灣縣人

蔡夢弼臺灣縣人

金繼美臺灣縣人

劉榮衮臺灣縣人

康熙臺灣府志

姓氏

二

石鍾英臺灣縣人

洪成度諸羅縣人

臺灣府志序

地之有志自漢班孟堅始蓋將舉天文地理人事之屬而備具焉猗歟重矣故必有良史之筆為紀事之書庶幾博綜該洽而無憾然余竊疑荒裔之與內地較難而創始之與纂脩又異似未可同日而語也溯我

朝應運鼎興

聖明接武指揮萬國蚤已

建旄設旄於禹貢職方之外然未有題

康熙臺灣府志序

楊

荒窮島如閩之臺灣者臺孤懸海外歷漢唐宋元所未聞傳自明季天啓間方有倭奴荷蘭屯處商販頗聚繼為鄭成功遁踞流亡漸集數十年來不過為羣盜逋逃藪耳今

上二十一年

特命靖海將軍侯施公率

師討平之始入版圖置郡邑詢其民陋於雕題黑齒問其俗猶是飲血茹毛既無廢興沿革之可稽亦安有聲名文物

之足紀乎憶余自筮仕蒼梧以來南洋
江漢經西伯之化行北守覃懷歷大禹
之底績迨乎備員藩臬周流齊魯禮義
之邦覽其山川風物其俗厚其民淳每
歎古帝王流風之遠而德教入人之深
也閩在漢為無諸封國已遜中土若臺
者素為積水島嶼竊計流寓之外其民
若盲之初視寐之初覺雖更數載猶是
鴻濛渾沌之區耳官斯地臨斯民欲為
治道民生計豈不憂憂乎其難之三十

年辛未

大中丞卞公惠撫斯邦軫念臺灣要地分
臬重任非賢能特達者不可迺越

定例會薦臬守 高公為巡使再疏報可
公以三十一年春持節往莅茲土時和
年豐政行事舉不特惟正之供悉遵賦
則而且俊秀之士咸登賢書甫三朞駸
駸乎漸近中土行且報最矣出其所撰
郡志屬序余讀之見其分野畫疆辨若
指掌文事武備燦焉畢具既詳于政治

風俗奢儉緩急之故復究於形勢阨塞
封疆壺橐之計而且田賦墳壚龜魚蓀
蕩以及山藪川浸男女畜擾罔有或遺
脫非殫精治道刻意民生者未克臻此
數十年後既富且教不幾為海濱之鄒
魯耶吾意後之人頌其過化之神不讓
文翁化蜀寧曰荒裔創始不足與班孟
堅並傳哉余不敏竊幸附名簡末故不
辭而為之序

康熙乙亥仲秋福建等處承宣布政使司

康熙臺灣府志序

三

楊

布政使加三級楊廷耀撰



臺灣府誌序

今天下車書大一統矣我

皇上仁德誕敷提封萬里東西朔南莫不覆
被顧臺灣蕞爾土越在海外游氛餘孽
蔚為逋藪焚焚番黎茫然不知有晦明
日月沿海郡邑江浙閩粵傳烽舉燧多
歷年所我

皇上好生如天以普天之下皆吾赤子奚忍
獨遺二十一年

特命靖海將軍施公率師討平郡縣其地設

康熙臺灣府志序

高

官置鎮星羅碁布數年以來聲名文物
駸駸乎與上國比隆夫有疆土必有風
俗有制度必有沿革海外兵燹之餘人
心甫定耳目未開不為投羅廢墜纂輯
典故使天下觀者如身履其地而習其
俗無以彰

聖天子一德同風之盛廣久道化成之治則
亦守土者之過也余自辛未春出守溫
陵越明年謬叨

兩臺薦剡蒙

聖恩特用分巡茲土浮海駐節甚懼其難也
目擊一方之凋殘利何以興弊何以除
學校何以振兵政何以肅軍實何以備
勤勤焉日進文武寮案求所以生遂安
集之道又何暇及於誌乘矧臺疆初闢
百度草創遺編故老湮沒無聞卽欲成
書而無徵不信又孰從而誌之於是者
二年幸托

朝廷無外之威德

兩臺漸被之深猷風雨以時番黎向化文

康熙臺灣府志序

二

高

武和洽庶吏協恭政事之餘益得與父
老子弟諮詢採攬凡山川之險易水土
之美惡物產之有無風氣之同異習俗
之淳薄遠自生番殊俗下及閭閻纖悉
每聞見有得輒心識而手編之溯始明
季臺所自有迄歸我

朝臺以肇造綱舉目張巨細必載有功必錄
有美必書公諸衆心以觀厥成斯誌也
亦所以志也敢曰余一人之私言哉嗣
是而稽水道者非以海市蜃樓誌怪也

舟楫必由寓不達不若之經焉考廢興者非以裸髮文身誌奇也絕域咸乎見莫不尊親之休焉覈人材問民俗者非以昔渾沌而今雕鑿也盛衰有自凜履霜臨谷之戒焉其與內地同者官吏兵民一歸於正其與內地異者剛柔燥濕各遂其天不寧惟是百爾君子篤棊協恭以綏靖爾百姓爾百姓好公惡具有明徵凡吏斯土者思誌不朽毋貽後世譏將使海外之聲名文物日臻邛隆

而重譯接踵羣知生聚教訓洋洋乎為窮荒一大奧區則是書也未必不為官方之一助焉拱乾世受

國恩自惟才疎德薄今且秩滿奉

旨移補浙臬樂臺之駸駸與上國比隆也而斯誌適成倘

聖天子輶軒下採詢及海隅斯誌遂得入奏以附

大一統之末為三代以來未有之盛事是亦微臣之志也夫若乃踵事增華是賴

後之君子余不敏也又何敢專是為序
康熙三十五年丙子孟春上浣福建分巡
臺灣廈門道兼理學政今陞浙江等處
提刑按察使司按察使高拱乾謹序



臺灣府志序

粵惟人皇九區神禹五服三王之世守
若金甌逮乎炎漢而玉關極于西境彩
雲見于南中朔方交趾列為州部禹服
之廣繇茲始矣自漢而還代有建置然
唐設羈縻之州宋稱玉斧之界土宇版
章未云孔厚竊嘗披覽

皇輿而知一統之盛無踰今日伏見我
朝定鼎

今天子踐祚而後外而四方屬國以數百計

康熙臺灣府志序

重譯奉琛項背相望內而滇黔天末關
置郡邑使自古要荒之域悉為冠帶之
區聲教所被廣矣大矣若臺灣孤嶼環
瀛千峰叢立環拱七閩如屏障然然自
廈門金門迤邐東南以達于澎湖嶼又
東而至于臺灣蓋不知其幾千里也千
古以來番民處之邈若蠶叢中國視之
幾同甌脫而五六十季之間則竟為潢
池美兵之所矣我

皇上不忍海濱之民頻罹蛇豕之害于是

命將出師指授

方畧橫海伏波揚旌飛渡而波臣効順
風不驚濤其仰契天心如此師行所至
莫不束身歸歛若崩厥角壺漿載迎市
肆如故其俯得人和又如此自是而臺
灣版圖延袤三千里戶口數十萬始得
附于光天化日之下矣迺猶厯

睿慮為民生計析置一郡三邑建設文武諸
司數年以來生齒漸繁草萊漸闢商旅
往來番民和輯彬彬乎有內郡風焉蓋

康熙臺灣府志序

二

前此之開闢土宇賴諸文武之戮力同
心宣布

威德其功在封疆其事在

國史至于後此之拊循安定賴諸文武之
綢繆贊畫勞心撫字其功在黎庶其實
在口碑未可更僕數也治揚以庸材謬
奉一麾深慮寬猛調劑之不易乃受事

伊始適

觀察副使高公當三年報政之時問民
生疾苦則

公所以導誘之者甚力若乃振興文化
勸課農耕招携懷遠遏惡扶良咸一一
布之章程凡

公所施設惟善後之是圖是誠治揚與
同事諸君子之幸也時
公輯郡志告成治揚未能有所興革無
可載筆聊附姓名于簡末以志承乏之
期亦以見新疆待治貴乎不擾惟當遵
畫一之法云爾

康熙三十有四年歲乙亥秋吉臺灣府

康熙臺灣府志序

三

知府三韓靳治揚謹識



臺灣府志序

今天子聖神文武御宇之二十有二年以臺灣越在海表梗我彀教爰命樓船之師直搗鮑鯢之窟未幾而偽藩鄭氏輸誠納土因即其地設府一縣三統以監司使不職者無所容其墨營十兵萬轄以重鎮使不逞者無所隱其奸興學作人設科取士蓋百度漸舉矣而獨於府誌一書因循未輯同文盛軌尚缺如也康熙三十一年秋歲在壬申我上郡

康熙臺灣府志序

一

憲副高公以闕閱名家詞壇鼓吹特膺簡命來巡海邦立經久之章程歎載籍之莫考爰於甲戌冬出其兩年來蒐採志草一帙會守令開志局攬師儒得明之士四人文學十人共襄校讐計日程功優以俸餘是時體物攝郡符與聞是役凡四閱月而臺灣新乘遂煥乎其有文章矣明年秋太守靳公蒞任公復出以相訂既竣事請鑒定于院司咸謂得所未有體物受而讀之見其

首封域次規制次秩官次武備次賦後
次典秩次風土次人物次外志而終之
以藝文為綱有十為目八十有一封域
則星分牛女附乎揚州也海道則閩粵
甌吳通乎四省也山川則究其脈絡規
制則審其淵源也人物官師之賢否或
傳或註而流品自昭蕃民風俗之醇龐
可革可因而是非自見也策防禦則綱
繆恐後時厪未雨之思綜田賦則杼軸
其空益鞅如傷之念也其忠臣義士烈

女貞妻為天地立心為國家植紀靡不
惓惓加意闡表幽微至於文章詞賦擇
焉而登兵異妖祥疑寧從缺體嚴而備
事核而該此誠所謂創從前未見之奇
成此後不刊之典者矣夫之裸國者裸
入而衣出見荆王者錦衣而吹笙化赤
漸乎隣丹為黔資乎邇墨言轉化之相
因也後有同志薪火相傳踵事增華歷
諸久而不至磨滅此書真與天壤相蔽
也豈特進而藏於

王府太史受而總其成也哉

雖然更有進焉者後之官乎此者觀前人之善政必知所矜式而就乎正大後之生乎此者觀前人之芳躅必知所興起而進乎高明風欲淳也淳而又淳俗期厚也厚而愈厚則公之有補於治化有關於氣運也不小又豈特為記事之書已哉是為序

康熙三十四年仲秋臺灣府海防總捕同知齊體物謹序

康熙臺灣府志序

三



脩志姓氏

纂輯

福建分巡臺廈道兼理學政今陞浙江按察使司按察使高拱乾 廕生陝西榆林

衛人

校訂

臺灣府知府 新治揚廕生遼東人

臺灣府海防總捕同知 齊體物 丙辰進士遼東人

臺灣縣知縣 李中素 貢生湖廣麻城人

鳳山縣知縣 朱繡 乙丑進士陝西鳳翔人

諸羅縣知縣 董之弼 廕生遼東人

康熙臺灣府志

姓氏

一

臺灣府儒學教授 張士昊 拔貢福州府人

臺灣縣儒學教諭 林宸書 歲貢莆田縣人

鳳山縣儒學教諭 黃式度 舉人晉江縣人

諸羅縣儒學教諭 謝汝霖 舉人長樂縣人

分訂

舉人

玉璋 臺灣縣人

貢生

王弼 臺灣縣人

陳逸 臺灣縣人

黃巍 鳳山縣人

監生

馬廷對 諸羅縣人

生員

馮士鈺 諸羅縣人

張銓 臺灣縣人

陳文達 臺灣縣人

鄭萼達 臺灣縣人

金繼美 臺灣縣人

張紹茂 鳳山縣人

柯廷樹 鳳山縣人

張僊客 鳳山縣人

康熙臺灣府志

姓氏

二

盧賢 諸羅縣人

洪成度 諸羅縣人

督梓官

典史嚴時恭

增修臺灣府志序

聖天子神聖御宇文教誕敷侯甸要荒之內
以及海隅日出之墟靡不奉車書而拱
北辰自三代秦漢以迄唐宋元明德威
所屆疆宇之橫未有如

今日之盛者也臺灣荒裔僻處二十一年
慕德向化亦附版圖延袤三千里戶口
數十萬

天子惠愛元元為之郡縣其地設官置鎮凡
所以固疆圉謀保聚其規畫制度極詳

康熙臺灣府志序

宋

且至又復建學明倫設科取士化兵革
于禮樂啟愚蒙以文章不數年而絕島
異域悉為文物之區矣三十一年
憲副高公監司茲土撫育而噢咻之自
是井疆畫然也宮室煥然也詩書弦誦
之風比閭里黨之習更蒸蒸然善爰蒐
舊聞採風土輯成郡邑志書以彰道一
風同之治甚盛舉也四十三年甲申春
永清奉

命自武平調補鳳山令簿書之暇索志披閱

見夫封域有書秩官有書武備賦役有書風土人物有書規模次第瞭如指掌其有裨於國社民生者不淺矣第歷年久遠其間利弊之興革祿秩之陞遷廟學之興建多士之蔚起與夫土田之墾闢幾何生齒之繁殖幾何戒不虞而移營署崇報功而隆祀典事不盡一端治不必一轍際此物阜民康之時不為蒐輯而增修之致令前有可傳後無可徵一切盛衰得失之故興廢沿革之由盡

湮沒而莫稽也不大可憾哉因請之郡憲博採輿論搜羅文牘自康熙三十五年延鳳山教諭施君士嶽董其事命副榜貢生陳聖彪鳳山廩生李欽文諸羅廩生鄭鳳庭等分校序次以增卷帙事必徵實言不溢美匪云修也補之云爾異日者名賢鵲起聞人蟬聯行見蜚聲翰苑載筆螭頭將踵事而增華之以登全閩通志為採風問俗獻也端有賴于是編是為序

康熙四十九年庚寅秋鳳山縣知縣萊陽
宋永清謹撰

康熙臺灣府志序

三

宋

臺灣府志

目錄

志序

脩志姓氏

凡例十二則

臺灣府總地圖

臺灣縣地圖

鳳山縣地圖

諸羅縣地圖

澎湖圖

卷一

康熙臺灣府志

目錄

封域志

星野 沿革 建置 疆界 形勝 山川 海道附

卷二

規制志

城池 衙署 學校 社學 書院 義學 田 學田 倉廩 社倉

坊里 保甲 壇廟 橋梁 津渡 水利 坊表

市鎮 郵傳 厄塞 恤政

卷三

秩官志

官制 監司 郡守 郡丞 府屬 縣令 縣屬

學官 名宦

卷四

武備志

歷官 營障 水陸營 道標營制 墩臺 較場

卷五

賦役志

戶口 土田 田賦 鹽餉 陸餉 水餉 雜稅

存留經費

卷六

典秩志

文廟 壇 廟 祠

卷七

康熙臺灣府志

目錄

二

風土志

漢人風俗 土番風俗 氣候 歲時 風信 潮汐

土產

卷八

人物志

科目 貢生 例監 武進士 武舉 流寓 貞節

卷九

外志

灾祥 兵亂 附寺 觀宮 廟附 古蹟 墳墓 雜記

卷十

藝文志

宸翰 奏議 公移 序傳 記賦 詩詞

康熙臺灣府志

目錄

三

凡例

一臺灣自康熙二十年始入版圖其時諸公勞心草創於郡志未遑脩輯今人心已正文治漸敷欲同車書莫有大於此者但新聞殊方事多荒昧雖博採羣言較諸郡守蔣公毓英所存草稿十已增其七八而才愧三長仍慮挂漏爰集守令師儒分曹校訂上自星野下至物產分為十卷為目八十中間規制官常一遵

王制言期取乎文事必綜其實獲免貽譏幸矣敢云得體乎哉

一山川形勝所以設險固圉亦以領異標奇分野之後

康熙臺灣府志

凡例

一例首及之臺灣為新聞海疆峙與於中原雖詞客騷人未多登臨游泛之作而行衛四省屹立大洋筆之于書匪特觀美故於海道三致意焉

一規建官師衙署學校街坊類皆草創因仍至於城池雖載志目尚未肇建益域民禦暴藉百雉而益安崇墉長濠非數人所能任業已請之當事尚俟經畫

一名官鄉賢原以酬庸尚德臺雖新造後先君子入念甘棠但名位方隆功勳未竟欲崇畏壘俟以他時

一人材之興由於學校科名者學校之所為光忠孝者科名之所由立也然士各有志而賢不一途長孺以質郎顯鄭侯以刀筆相安世以門廕侯膚功偉業彪

炳天壤又豈盡出帖括乎哉臺之人物十年前無所表見故今所載自

國朝設科始先記其名徐觀其用

一仲雍居吳斷髮文身裸以為飾則自江以南古皆是俗也况臺灣乎及今觀之風俗人文惟南為盛固不以其陋而限之也子曰君子居之何陋之有作風土志以畀夫轉移風化之人

一普天之下莫非王土君子于役不日不月祖庸調者貢助徹之別名也臺之賦役與內地均別無希奇可以入獻亦曰無總于貨寶生生自庸云

一志載藝文務關治理苟有裨于斯郡宜無美而不收

康熙臺灣府志

凡例

二

然考獻徵文前此遠在殊域按天華國十年生聚方新今惟先集所見上自

宸章下逮新咏後有作者當俟之踵事增華

一兵燹灾祥古今多有臺灣孤懸海外始屬倭奴一變而為紅彝再變而為鄭成功今歸一統前此灾異傳聞者聊書其概以備觀鑒非如齊諧志異也

一綱常長留天地忠義節烈者正以立天地之綱常也臺灣未入版圖之先蠢爾諸番曷知倫紀其自內地來此者始於明季之通商繼以偽鄭之俘掠前後生聚七八十年間有奇行可書大節難泯者得之傳聞務為採入亦表揚幽隱風勵來茲之意

一有文事者必有武備所以消反側靖人心也故居安
慮危有備無患臺之武備設有十營水陸官兵萬人
總千山立壯哉軍容至於軍器不登此書蓋示以
聖天子耀德不觀兵暗藏其用於神武而不可測孔子曰
民可使由之不可使知之此志亦然
一從來郡乘皆取裁于邑乘集其大而畧其小臺係新
創之區邑未有乘凡所收輯已覺無遺事分之愈覺
其少合之不見其多故因地制宜捐俸自梓藏版于
郡聊盡使者之責云爾

臺灣府總圖

康熙臺灣府志

地圖

臺鳳諸三縣


澎湖圖

康熙臺灣府志

地畝


圖三

臺灣縣圖



鳳山縣圖

卷四



諸羅縣圖

五



澎湖圖

